

## CAMINERAS ON LINE

### Cuncursu de literatura sarda pro sos istudiantes V Editzione - annu iscolasticu 2009-2010

#### REGULAMENTU

S'Istitutu de Istruzione Superiore "E. Fermi" de Otieri, bandit, cun sa collaborazione e cun su patrocinu de su premiu "Tzitade de Otieri", unu cuncursu, abertu a sos istudiantes de totu sas iscolas de donzi ordine e gradu de sa Regione Sardinia, cun s'iscopu de promuover sa limba, sa litteratura e sa cultura sarda.

Su cuncursu est articuladu in battor setziones:

1. **Setzione Poesia;**
2. **Setzione Narrativa** ( contos, paristorias, massimu battor paginas in formadu A4 a interlinea singula);
3. **Setzione Traduzione** (traduzione dae s'italianu o dae ateru limbazu de una poesia, una cantone, o unu contu, massimu bator paginas in formadu A4 a interlinea singula);
4. **Setzione Tradizioni de sas comunidades locales** (usos, costùmenes, contos, fàvulas, paristòrias, filonzanas, dicios, maneras de narrer...)

Poden concurrer singulos istudiantes, classes o grupos de classes. Sos concurrentes an esser divisos in ordines de iscolas: Primaria, Secundaria de primu gradu e Secundaria de segundu gradu.

Su matessi autore podet leare parte cun d'una cumpositzione a pius setziones, ma **no pius bias** a sa matessi.

Sun ammissos testos iscritos in totu sas variedades de limbazos impitados in Sardinia, cumpresu su Tataresu, su Gadduresu, su Tabarchinu ei su Catalanu de s'Alighera.

#### NORMAS DE PARTECIPAZIONE COMUNES A TOTU SAS SETZIONI

Sas operas chi lean parte a su cuncursu deven esser imbiadas intro 'e su deghe de su mese de lampadas de su 2010 in posta prioritaria, a s'indirizzu: **Istituto Istruzione Superiore "Enrico Fermi" - Piazza delle Medaglie d'Oro - Camineras on line - OZIERI (SS).**

Sas operas deven arrivire in busta sizillada. In fundu 'e pagina deven esser cuntrassinadas dae unu pseudonimu o dae unu motu. Intro de sa busta bi devet aer una segunda busta cun sas generalidades de su concorrente (numen, sambenadu, data de naschida, classe, iscola, indirizzu, **numeru de telefono e indirizzu de posta elettronica**).

Sas operas deven arrivire in copia singula, istampadas in formadu A4. No est netzessaria una litera de acumpagnamentu.

Sas operas deven esser ineditas e no deven aer leadu premios o signalatziones in ateros cuncursos.

Chie leat parte a su cuncursu lu faghet debbadas e devet atzetare completamente su regulamentu.

Sas operas presentadas a su cuncursu no an a esser torradas. S'iscola chi organizat si leat totu sos diritos subra una eventuale publicatzione, a mesu de istampa o de calesiat atera fromma, chena chi s'autore apat a pedire cumpensu; nd'at a restare in dogni manera proprietariu.

Sos resultados an a esser publicados dae sos giornales de Sardinia o in Internet.

Totu sos chi an a leare premios o signalatziones dae sa Giuria an a retzire una litera personale.

A sos premiados, singulos, grupos o iscolas, at a esser pedidu s'imbiu de su *file* de s'opera premiada, mentzionada o signalada, pro sa publicatzione in su situ de s'iscola, a custu indirizzu: **presidenza@itozieri.net**.

Su giuditziu de sa giuria est chena apellu.

#### PREMIOS

Sas operas ritennidas meritevoles de ogni setzione, **diferenziadas** segundu sos ordines e grados iscolasticos, an a esser premiadas cun premios ofertos dae s'iscola, dae sponsor publicos e privados e an a esser publicadas in su situ de s'iscola.

An a poder esser dados premios ispeciales pro ogni setzione, ordine e gradu de iscola.

S'iscola chi organizat at a publicare in su situ, apenas chi si podet, sos premios chi sun in paliu.

#### GIURIA

Prof. Nigola Tanda, filologu e criticu literariu (Presidente)

Prof. Zuseppe Soddu, Dirigente Iscolasticu de s'Istitutu Istruzione Superiore "Enrico Fermi" de Otieri

Mastru Frantziscu Cossu, mastru de iscola primaria in pintzione

Dott. Antoni Canalis, segretariu de su Premiu de literatura sarda "Tzittade de Otieri"

Dott. Cristianu Becciu, poeta e espertu de linguistica sarda

Prof.ssa Vanna Mura, docente I.I.S "E.Fermi" de Otieri

Mastra Sandra Zambolin, docente de iscola primaria de su 1<sup>u</sup> Circulu de Otieri

Prof. Bainzu Contu (Segretariu)

#### GRUPU 'E PROGETU

Prof.ssa Giuanna Cambiganu, prof. Andria Cultrona, prof. Remundu Meridda, prof. Anghelu Pala, prof.ssa Mariarosa Sarobba, prof.ssa Giuliana Calvisi